

ԱՐՁԱՆԱԳՐՈՒԹՅՈՒՆ ԹԻՎ 5

ԵՊՀ տնտեսագիտության և կառավարման ֆակուլտետի գիտական խորհրդի 2024թ. դեկտեմբերի 17-ի նիստի

Խորհրդի 32 անդամներից նիստին ներկա էին 24-ը: Նախագահում էր խորհրդի նախագահ դեկան, տ.գ.թ., դոցենտ Կ.Խաչատրյանը, քարտուղարում՝ խորհրդի քարտուղար տ.գ.թ., դոցենտ Հ.Մարգարյանը:

Քվորումը ստուգելուց առաջ, խորհրդի նախագահի առաջարկով, խորհրդի անդամները նախ շնորհավորեցին Տնտեսագիտության և միջազգային տնտեսական հարաբերությունների ամբիոնի վարիչ, տ.գ.թ., դոցենտ Գրիգոր Հայրապետյանին՝ ծննդյան կապակցությամբ, հետո «Կառավարում» կրթական ծրագրի 2-րդ կուրսի ուսանող, գիտխորհրդի անդամ Բենիկ Բալայանին՝ ֆակուլտետի ՈւԽ նախագահի պաշտոնում ընտրվելու կապակցությամբ: Դեկան, տ.գ.թ., դոցենտ Կ.Խաչատրյանը շնորհակալություն հայտնեց ՈւԽ նախկին նախագահ, «Ֆինանսներ, դրամաշրջանառություն և վարկ» կրթական ծրագրի մագիստրատուրայի 1-ին կուրսի ուսանողուհի Վերգինե Դանիելյանին վերջին երեք տարիներին ուսանողական խորհրդի աշխատանքների արդյունավետ և համակարգված կազմակերպման համար:

Քվորումը ստուգելուց հետո խորհրդի նախագահը քվեարկության դրեց օրակարգը, որը միաձայն հաստատելուց հետո խորհուրդն անցավ օրակարգային հարցերի քննարկմանը (օրակարգը կցվում է):

ՕՐԱԿԱՐԳ

1. Ֆակուլտետի դեկանի 2023-24 ուստարվա հաշվետվության մասին
2. ՀՀ ԿԳՄՄՆ բարձրագույն կրթության և գիտության կոմիտեի հայտարարած «Հեռավար լաբորատորիաների հիմնադրում 2025» դրամաշնորհային մրցույթին հայտերի երաշխավորման մասին
3. Ընթացիկ հարցեր

1. **ԼՍԵՑԻՆ.** Ֆակուլտետի դեկան, տ.գ.թ., դոցենտ Կ.Խաչատրյանի 2023-24 ուստարվա հաշվետվությունը:

1. ԱՐՏԱՀԱՅՏՎԵՑԻՆ.

1. Ֆակուլտետի դեկան, տ.գ.թ., դոցենտ Կ.Խաչատրյանը հանդես եկավ զեկուցմամբ՝ ամփոփ ներկայացնելով ֆակուլտետի գործունեությունը 2023-24 ուսումնական տարում: Նախ՝ հաշվետվության առաջին մասում, ներկայացրեց արձանագրված ձեռքբերումներն ու

հաջողությունները հետևյալ ուղղություններով. 1) դիմորդների մասնագիտական կողմնորոշում և ընդունելություն 2) կրթական ծրագրեր, 3) ուսանողների հաջողություններ, 4) կրթության երրորդ աստիճան, 5) ակադեմիական համակազմի նկարագիր և կարողությունների զարգացում, 6) գիտահետազոտական գործունեություն և մասնակցություն ֆինանսավորվող գիտական նախագծերին, 7) գործընկերների հետ համագործակցություն, 8) շրջանավարտներ, 9) ենթակառուցվածքներ և պայմաններ:

1) Հաշվետու ուստարում ֆակուլտետը ձեռնամուխ է եղել Դիմորդների հետ տարվող աշխատանքային խմբի ստեղծմանը և մի շարք ավագ դպրոցների աշակերտների համար կազմակերպել է շուրջ 20 տեղեկատվական հանդիպումներ, որոնց մասնակցել են շուրջ 500 աշակերտներ: 2023-2024 ուստարում դիմորդների հետ տարվող աշխատանքների շրջանակներում ֆակուլտետը կազմակերպել է «ԵՊՀ Տնտեսագիտական դպրոց» երկօրյա ծրագիրը, որին մասնակցել են Երևան քաղաքի և մարզերի տարբեր ավագ դպրոցների շուրջ 150 աշակերտներ:

2) 2023-24 ուստարում ֆակուլտետի կրթական ծրագրերում տեղի են ունեցել հիմնարար բարեփոխումներ. մշակվել է «Մաթեմատիկական տնտեսագիտություն և տվյալագիտություն» բակալավրի նոր կրթական ծրագիրը, լրամշակվել և ներկայացվել է «Միջազգային տնտեսական հարաբերություններ» մագիստրոսական կրթական ծրագիրը 1.5 տարի տևողությամբ, Էրազմուս+ T-Green ծրագրի շրջանակում մշակվում է կրկնակի դիպլոմով «Կանաչ տնտեսություն և կառավարում» մագիստրոսական կրթական ծրագիրը, «Ստարտափ Արմենիա» գիտակրթական հիմնադրամի հետ կնքված հուշագրի շրջանակում մշակվում է «Ստարտափերի կառավարում» մագիստրոսական ծրագիրը, մշակվել և ներդրվել է 1 տարի ուսման տևողությամբ «Ֆինանսներ» մագիստրոսական նոր կրթական ծրագիրը:

Հաշվետու ժամանակահատվածում ֆակուլտետը տարբեր հանդիպումներ է նախաձեռնել տնտեսության ամենատարբեր հատվածների կազմակերպությունների ներկայացուցիչների հետ՝ գնահատելու պոտենցիալ աշխատակցին ներկայացվող պահանջները և գիտելիքի ու հմտությունների շրջանակը:

3) Հաշվետու տարում ֆակուլտետում առկա և հեռակա կրթաձևերի ինչպես բակալավրի, այնպես էլ մագիստրատուրայի բոլոր կրթական ծրագրերում ուսանողների ՄՈԳ-երի միջին ցուցանիշները 2022-23 ուստարվա նկատմամբ աճել են: Ֆակուլտետի 6 ուսանողներ գիտական զեկուցումներով հանդես են եկել գիտաժողովներում, 1-3-րդ կուրսի ուսանողները հրատարակել են թվով 7 գիտական հոդվածներ ՀՀ ԲԿԳԿ-ի կողմից ընդունելի գիտական ամսագրերում, 4 ուսանողներ մասնակցել են Թուրքմենստանի տնտեսագիտության և կառավարման պետական ինստիտուտի կազմակերպած «Համաշխարհային տնտեսություն» միջազգային հեռավար օլիմպիադային: Արդյունքում նրանցից 2-ը զբաղեցրել են 1-ին, 2-ը՝ 2-րդ տեղ: 3-րդ կուրսի ուսանող Լիանա Խաչատրյանը

մասնակցել է Արաբական Միացյալ Էմիրություններում կայացած «Seaside Startup Summit» միջազգային բիզնես ֆորումին:

2023-24 ուստարում «Բիբլոս Բանկ Արմենիա» ՓԲԸ-ի կողմից ֆակուլտետի բարձր առաջադիմություն ցուցաբերած 10 ուսանողի տրամադրվել է միանվագ կրթաթոշակ, յուրաքանչյուրը՝ 1 մլն դրամի չափով: 2023-24 ուստարում Ֆիլիպ Կոտլերի կողմից կազմակերպված «Գաղափարներ կրիտիկական ժամանակների համար. նոր համաշխարհային շուկայավարման կարգը» թեմայով էլեկտրոնային շուկայավարման համաշխարհային գագաթաժողովին ֆակուլտետից առցանց ձևաչափով մասնակցել են շուրջ 100 ուսանողներ:

4) Տնտեսագիտության և կառավարման ֆակուլտետ 2023-24 ուստարում ընդունվել է 1 ասպիրանտ, թեկնածուական ատենախոսություն է պաշտպանել 3 ասպիրանտ և 1 հայցորդ:

5) Տնտեսագիտության և կառավարման ֆակուլտետում հաշվետու ուստարում աշխատել են 52 հիմնական, 22 համատեղությամբ և 53 ժամավճարային հիմունքներով պրոֆեսորադասախոսական կազմի անդամներ, որոնցից 15-ը՝ պրոֆեսորներ, 52-ը՝ դոցենտներ, 37-ը՝ ասիստենտներ և 23-ը՝ դասախոսներ: Պրոֆեսորադասախոսական կազմն ըստ տարիքային խմբի հետևյալն է. 127 աշխատակցից՝ 31-ը «մինչև 35 տարեկան» խմբում է, 71-ը՝ «36-63 տարեկան» խմբում, 25-ը՝ «64 և ավելի տարեկան» խմբում, իսկ ըստ սեռային կառուցվածքի՝ 48%-ը արական, 52%-ը իգական:

Ֆակուլտետում մշակվել և 2023-24 ուստարում արդեն կիրառվել է դասախոսների կատարած աշխատանքների գնահատման համակարգը: Մասնավորապես, յուրաքանչյուր դասախոսի համար հաշվարկվել է գործունեության արդյունավետության գնահատման ցուցանիշը (KPI): Ֆակուլտետում հրապարակվել է 89 գիտական հոդված, ազդեցության գործակցով՝ 13, մենագրություն՝ 5, ուսումնական ձեռնարկ՝ 6: Հաշվետու տարում խնդիր էր դրվել՝ կտրուկ բարելավել Scopus և Web of science գիտաչափական շտեմարաններում գիտական հոդվածների հրապարակման ցուցանիշը, ինչն ըստ էության ֆակուլտետին հաջողվել է, քանի որ 2022-23 ուստարում նշված շտեմարաններում ոչ մի գիտական հոդված չի տպագրվել, իսկ հաշվետու ժամանակահատվածում տպագրվել է 12-ը:

2023-24 ուստարում ֆակուլտետի 22 դասախոս վերապատրաստվել է ԵՊՀ Շարունակական կրթության բաժնի կողմից կազմակերպված դասընթացներում, 3-ը՝ ՌԴ բուհերում, 1-ը՝ Նիդերլանդներում, 3-ը՝ ՀՀ տարբեր կազմակերպություններում, 30 դասախոս մասնակցել է միջազգային տարբեր գիտաժողովների:

6) Հաշվետու տարում, ֆակուլտետում գիտության բազային ֆինանսավորման բացակայության պայմաններում, գիտահետազոտական գործունեության և ֆինանսավորվող գիտական նախագծերին մասնակցության ամփոփ արդյունքների համաձայն, ֆակուլտետից ընդհանուր առմամբ ներկայացված դրամաշնորհային հայտերի

քանակը կազմել է 19, որից հաղթող է ճանաչվել 5 դրամաշնորհային հայտ, իսկ ներկայացված հայտերից 8-ը գտնվում է փորձաքննության փուլում: ՀՀ ԿԳՄՄՆ բարձրագույն կրթության և գիտության կոմիտեի հայտարարած «Հեռավար լաբորատորիաների հիմնադրման ծրագիր 2024» մրցույթում ֆակուլտետից հաղթող է ճանաչվել և ֆինանսավորման է երաշխավորվել 2 գիտական թեմա: Ֆակուլտետի գիտնականները մասնակցել են տարբեր միջազգային գիտաժողովների: Ֆակուլտետում կազմակերպվել է թվով 9 գիտական սեմինար:

2023-24 ուստարում իրականացվել են ֆակուլտետի 90-ամյա հոբելյանին նվիրված միջոցառումների շարքի նախապատրաստական աշխատանքներ: 2024 թ. հոկտեմբերի 8-10-ը ֆակուլտետում տեղի ունեցավ «Փոխակերպվող տնտեսություն. թվային տեխնոլոգիա, տարածական անհամամասնություններ և կյանքի որակ» խորագրով միջազգային գիտաժողովը՝ նվիրված ֆակուլտետի հիմնադրման 90-ամյակին, որին մասնակցել են 22 երկրներից ժամանած շուրջ 40 անվանի ու աշխարհահռչակ գիտնականներ, զեկուցումների ընդհանուր քանակը կազմել է շուրջ 80:

7) Գործընկերների հետ համագործակցության արդյունքում հաշվետու տարում օտարերկրյա 7 գործընկերներ դասախոսություններով հանդես են եկել ֆակուլտետում, 1 ուսանող մեկ կիսամյակով ուսումնառել է Գերմանիայի Լյուդվիգսհաֆեն համալսարանում՝ ուսանողների շարժունության շրջանակներում, ֆակուլտետը կնքել է 5 համագործակցության հուշագրեր տեղական գործընկերների հետ, ֆակուլտետը կազմակերպել է ուսանողների թվով 26 այցելություններ տարբեր կազմակերպություններ, ֆակուլտետում կազմակերպվել են նաև թվով 20 վարպետության դասեր:

8) 2023-2024 ուստարում ֆակուլտետում կազմավորվել է շրջանավարտների հետ տարվող աշխատանքների հարցերով աշխատանքային խումբ, որը համակարգել է ֆակուլտետի վերջին 40 տարվա շրջանավարտների հետ տարվող աշխատանքները և ակտիվորեն համագործակցել ԵՊՀ շրջանավարտների և կարիերայի կենտրոնի հետ:

9) 2023-24 ուստարում ֆակուլտետը համալրվել է ինելաջի գրատախտակներով հագեցած ինտերակտիվ լսարաններով: Ֆակուլտետի որոշ լսարաններում և ամբիոնների վարիչների սենյակներում տեղադրվել են օդորակիչներ իրենց պաշտպանիչ էկրաններով: Կարևոր ձեռքբերում է ԵՊՀ ՏՏ վարչության կողմից ֆակուլտետի ամբողջ տարածքը ինտերնետի wifi կապով, ինչպես նաև լսարաններում տեղադրված բոլոր ինելաջի գրատախտակները ինտերնետ հասանելիությամբ ապահովելը: Հաշվետու տարում ակտիվ շինարարական աշխատանքներ են սկսվել Wolfram մաթեմատիկական ծրագրավորման լեզվի ուսուցման լաբորատորիայի համար նախատեսված լսարանում, որը կհանձնվի շահագործման 2024-25 ուստարում:

Ֆակուլտետի դեկան, տ.գ.թ., դոցենտ Կ.Խաչատրյանը հաշվետվության երկրորդ մասում, ներկայացրեց հետագա անելիքները՝ ըստ ֆակուլտետի ռազմավարական զարգացման առաջնահերթությունների.

ա) Խթանել ֆակուլտետում գիտահետազոտական աշխատանքների կատարումը տարբեր գիտական դրամաշնորհներին հայտեր ներկայացնելու միջոցով:

բ) Ֆակուլտետի միջազգային կապերի ակտիվացման և պրոֆեսորադասախոսական անձնակազմի մասնագիտական ներուժի զարգացման նպատակով խրախուսել դասախոսների արտասահմանյան գործուղումները՝ շարժունության ծրագրերի, գիտաժողովների մասնակցության կամ վերապատրաստման ծրագրերի միջոցով:

գ) Գործատուների և բիզնեսի հետ կապի ամրապնդման նպատակով առավել աշխուժացնել վարպետության դասերի, կազմակերպություններ այցերի, ինչպես նաև գործատուների հետ պարբերաբար հանդիպումների և քննարկումների գործընթացը:

դ) Շրջանավարտների հետ տարվող աշխատանքների ակտիվացման առումով ստեղծել Շրջանավարտների ասոցիացիա և շրջանավարտներին առավելագույնս ներգրավել ֆակուլտետի զարգացման ծրագրերում:

ե) Դիմորդների հետ տարվող աշխատանքների ակտիվացման առումով ավելացնել ֆակուլտետում և դպրոցներում կազմակերպվող հանդիպումների քանակը, ինչպես նաև նախաձեռնել այլ բնույթի միջոցառումներ՝ դասընթացներ, օլիմպիադաներ, մրցույթներ: Տարեկան երկու անգամ կազմակերպել «ԵՂՀ Տնտեսագիտական դպրոց» երկօրյա ծրագիրը:

զ) Ուսանողական առօրյան առավել բովանդակալից դարձնելու նպատակով խթանել ուսանողական կառույցների նախաձեռնությունները, հատկապես քայլեր ձեռնարկել գիտական հակումներ ունեցող ուսանողներին բացահայտելու և խրախուսելու ուղղությամբ:

է) Արդյունավետ գիտակրթական միջավայր ձևավորելու նպատակով՝ ֆակուլտետի բոլոր լսարանները կահավորել էլեկտրոնային գրատախտակներով, իսկ լսարանների մեծ մասը՝ օդորակիչներով:

2. Տ.գ.թ. դոցենտ Գ.Հայրապետյանը, տ.գ.դ. պրոֆեսոր Գ.Վարդանյանը, տ.գ.թ., ասիստենտ Կ.Սահակյանը, տ.գ.թ., ասիստենտ Գ.Սահակյանը հարցեր հնչեցրեցին: Հարցադրումներն առնչվում էին հաշվետու տարում 2022-23 ուստարվա նկատմամբ ուսանողների ՄՈԳ-երի միջին ցուցանիշների աճի հիմնավորմանը, վարպետության դասերի կազմակերպման և կազմակերպություններ այցելությունների իրականացման կանոնակարգմանը, ֆակուլտետի երիտասարդացմանը:

3. Դեկան, տ.գ.թ., դոցենտ Կ.Խաչատրյանը հակիրճ պատասխանեց բարձրացված բոլոր հարցերին: Ուսանողների ՄՈԳ-երի միջին ցուցանիշների աճի հիմնավորման համար որպես փաստարկ նշեց, որ արդեն 3-րդ տարին է, որ անցողիկ շեմը 8 միավորից դարձել է 10, այդուհանդերձ անցողիկ շեմի բարձրացումը չի հանգեցրել ՄՈԳ-երի միջին

ցուցանիշի աճի, այլապես նախորդ 2 տարում ևս նման միտում կարձանագրվեր, մինչդեռ հակառակ պատկերն ունենք: Միաժամանակ շեշտեց, որ բարձր շեմի հաղթահարման դժվարությամբ պայմանավորված աճել է ուսանողների հոսունությունը, 2023-24 ուստարում ակադեմիական անբավարար առաջադիմության պատճառով ֆակուլտետից ազատվել է 131 ուսանող, ևս 13-ը՝ անհարգելի բացակայության և կարգապահության խախտման պատճառով: Հարցի կարևորությունը հաշվի առնելով, դեկանի տեղակալ տ.գ.թ., դոցենտ Ն.Միրզոյանին հանձնարարեց առաջիկա գիտխորհրդի նիստում հաշվետվությամբ ներկայացնել առկա և հեռակա ուսուցման բակալավրի և մագիստրատուրայի կրթական ծրագրերում առաջադիմության ամփոփ վերլուծության հիմնավորումները:

Վարպետության դասերի կազմակերպման և կազմակերպություններ այցելությունների իրականացման կանոնակարգման հարցին անդրադառնալով նշեց, որ հաշվետու տարում այս խնդիրն ուշադրության կենտրոնում է եղել, քանի որ նշված գործընթացների կազմակերպումն ու իրականացումը ինքնանպատակ չէ, և առաջին հերթին ուղղված է բուն ուսումնառության գործընթացի արդյունավետության բարձրացմանը, կրթական վերջնարդյունքների ապահովմանը, նաև բուհ-աշխատաշուկա կապի ամրապնդմանը: Հավելեց, որ այս ուղղությամբ տարվող աշխատանքները բարելավման կարիք ունեն:

Ֆակուլտետի երիտասարդացման հարցը մտահոգիչ որակելով նշեց, որ բոլոր քայլերը, որոնք այսօր ֆակուլտետը փորձում է իրականացնել միահամուռ ուժերով, միտված են որպես կրթօջախ և որպես գիտահետազոտական կենտրոն ֆակուլտետի համբավի բարձրացմանը, ինչը լավագույն գրավականը կդառնա ֆակուլտետի երիտասարդացման և հզորացման գործում:

Այլ հարցեր չհնչեցին: Ելույթ ունեցողներ չեղան:

1. ՈՐՈՇԵՑԻՆ. Ֆակուլտետի դեկան, տ.գ.թ., դոցենտ Կ.Խաչատրյանի 2023-24 ուստարվա հաշվետվությունն ընդունելի գիտություն:

2. ԼՍԵՑԻՆ. ՀՀ ԿԳՄՄՆ բարձրագույն կրթության և գիտության կոմիտեի հայտարարած «Հեռավար լաբորատորիաների հիմնադրում 2025» դրամաշնորհային մրցույթին հայտերի երաշխավորման մասին հարցը:

2.1. «Կանաչ ձեռնարկատիրության էկոհամակարգային կառավարումը ՀՀ-ում» գիտական թեմայով հայտի երաշխավորում (թեմայի արտասահմանյան դեկավարներ՝ տնտեսագիտության թեկնածու Մարկո Սավաստանո (Իտալիա), տնտեսագիտության թեկնածու Անի Մելքոնյան-Գոտշալք (Գերմանիա),

հայաստանյան համադեկավար՝ տնտեսագիտության թեկնածու, դոցենտ Նարինե Միրզոյան):

2.2. «Կանաչ թռիչք ՀՀ տնտեսության համար. կլիմայական ռիսկերի վերլուծություն և կարգավորված անցում դեպի կայուն ֆինանսներ» գիտական թեմայով հայտի երաշխավորում (թեմայի արտասահմանյան դեկավար՝ տնտեսագիտության թեկնածու, դոցենտ Լիլիթ Պոպոյան (Անգլիա), հայաստանյան համադեկավար՝ տնտեսագիտության թեկնածու, ասիստենտ Լիանա Կարապետյան):

2. ԱՐՏԱՀԱՅՏՎԵՑԻՆ.

1. Դեկան, տ.գ.թ., դոցենտ Կ.Խաչատրյանը նշեց, որ գիտխորհուրդը մեկ տարի առաջ երաշխավորել է «Հեռավար լաբորատորիաների հիմնադրում 2024» դրամաշնորհային մրցույթին մասնակցության հայտեր, և որ հայտի ներկայացման պահանջները չեն փոխվել, որի համաձայն 3 փուլից բաղկացած մրցույթը հաղթահարելուց և 130 մլն դրամ ֆինանսավորում ստանալուց հետո ձևավորված 5 հոգանոց խումբը՝ որպես ստորաբաժանում ԵՊՀ կազմում, 5 տարի գործունեություն է ծավալելու թեմայի արտասահմանյան դեկավարի և հայաստանյան համադեկավարի անմիջական դեկավարությամբ: Հավելեց, որ նախորդ տարի մրցույթին ներկայացված 52 հայտից ֆինանսավորվել է 13-ը, որից 5-ը ԵՊՀ հայտեր են եղել, իսկ ԵՊՀ 5 հայտերից՝ 2-ը Տնտեսագիտության և կառավարման ֆակուլտետից ներկայացված հայտեր:

Դեկան, տ.գ.թ., դոցենտ Կ.Խաչատրյանը ներկայացրեց «Հեռավար լաբորատորիաների հիմնադրում 2025» դրամաշնորհային մրցույթին ներկայացված հայտերի հայաստանյան համադեկավարներին՝ տ.գ.թ., դոցենտ Նարինե Միրզոյանին և տ.գ.թ., ասիստենտ Լիանա Կարապետյանին: Դեկան, տ.գ.թ., դոցենտ Կ.Խաչատրյանը ընդգծեց, որ գիտխորհրդի անդամները էլեկտրոնային ծանուցմամբ ստացել են գիտական թեմաների հակիրճ նկարագրությունները և առաջարկեց հարցուպատասխանի ձևաչափով անցնել հարցի քննարկմանը:

2. Կառավարման և գործարարության ամբիոնի դոցենտ, տ.գ.թ. Նարինե Միրզոյանի՝ որպես հայաստանյան համադեկավար, ներկայացրած «Կանաչ ձեռնարկատիրության էկոհամակարգային կառավարումը ՀՀ-ում» գիտական թեմայով հայտի վերաբերյալ հարցեր չհնչեցին: Ելույթ ունեցողներ չեղան:

3. Տ.գ.դ. պրոֆեսոր Վ.Բոստանջյանը առաջարկեց, որ դեկանը համակարգի դրամաշնորհային մրցույթներին հայտերի ներկայացումը՝ նոր հետազոտողներ ներգրավելու նպատակով:

4. Դեկան, տ.գ.թ., դոցենտ Կ.Խաչատրյանը, հնչեցված առաջարկին արձագանքելով, նշեց, որ մրցույթային ծրագրին մասնակցության հայտի ներկայացումը պահանջում է համապատասխան փաթեթի պատրաստում, որի աշխատանքներն իրականացնում են

ձևավորված խմբի անդամները, համակարգում՝ թեմայի արտասահմանյան ղեկավարն ու հայաստանյան համադեկավարը:

5. Ֆինանսահաշվային ամբիոնի ասիստենտ, տ.գ.թ. Լիանա Կարապետյանի՝ որպես հայաստանյան համադեկավարի, ներկայացրած «Կանաչ թռիչք ՀՀ տնտեսության համար. կլիմայական ռիսկերի վերլուծություն և կարգավորված անցում դեպի կայուն ֆինանսներ» գիտական թեմայով հայտի վերաբերյալ հարցեր հնչեցրեցին՝ տ.գ.թ., ասիստենտ Կ.Սահակյանը, տ.գ.դ., պրոֆեսոր Վ.Աբրահամյանը, ֆ.-մ.գ.թ., դոցենտ Գ.Ղուկասյանը, տեխ.գ.դ, պրոֆեսոր Ա.Առաքելյանը: Հարցադրումներն առնչվում էին գիտական թեմայի վերնագրի ձևակերպմանը, հետազոտության ուղղվածությանը, ձևավորված խմբի կազմին և անդամների ընտրությանը:

6. Տ.գ.թ., ասիստենտ Լիանա Կարապետյանը նախ՝ ներկայացրեց խմբի անդամներին, ընդգծեց, որ նրանցից 3-ը ԿԲ աշխատակից են, դասավանդում են ԵՊՀ-ում և ԵՊՀ ԻՄ-ում: Այնուհետև՝ հիմնավորեց գիտական թեմայի վերնագրի ձևակերպումը և ընտրությունը՝ մատնանշելով հետազոտության արդյունքների կարևորությունը ՀՀ տնտեսության համար, հավելեց նաև, որ հայտի ֆինանսավորման դեպքում խմբին աջակցելու պատրաստակամություն է հայտնել ԿԲ նախագահը:

7. Դեկան, դոցենտ Կ.Խաչատրյանը ամփոփելով քննարկումը առաջարկեց՝ «Հեռավար լաբորատորիաների հիմնադրում 2025» դրամաշնորհային մրցույթին ներկայացված հայտերի երաշխավորման հարցը դնել փաթեթային քվեարկության:

2. ՈՐՈՇԵՑԻՆ.

2.1 «Կանաչ ձեռնարկատիրության էկոհամակարգային կառավարումը ՀՀ-ում» (թեմայի արտասահմանյան ղեկավարներ՝ տնտեսագիտության թեկնածու Մարկո Սավաստանո (Իտալիա), տնտեսագիտության թեկնածու Անի Մելքոնյան-Գոտշալք (Գերմանիա), հայաստանյան համադեկավար՝ տնտեսագիտության թեկնածու, դոցենտ Նարինե Միրզոյան) գիտական թեմայով հայտը երաշխավորել ՀՀ ԿԳՄՍՆ բարձրագույն կրթության և գիտության կոմիտեի հայտարարած «Հեռավար լաբորատորիաների հիմնադրում 2025» դրամաշնորհային մրցույթին մասնակցելու համար (24 կողմ, 0 դեմ, 0 ձեռնպահ):

2.2 «Կանաչ թռիչք ՀՀ տնտեսության համար. կլիմայական ռիսկերի վերլուծություն և կարգավորված անցում դեպի կայուն ֆինանսներ» (թեմայի արտասահմանյան ղեկավար՝ տնտեսագիտության թեկնածու, դոցենտ Լիլիթ Պոպոյան (Անգլիա), հայաստանյան համադեկավար՝ տնտեսագիտության թեկնածու, ասիստենտ Լիանա Կարապետյան) գիտական թեմայով հայտը երաշխավորել ՀՀ ԿԳՄՍՆ բարձրագույն կրթության և գիտության կոմիտեի հայտարարած «Հեռավար լաբորատորիաների հիմնադրում 2025» դրամաշնորհային մրցույթին մասնակցելու համար (23 կողմ, 0 դեմ, 1 ձեռնպահ):

ԵՊՀ ՏԿՑ ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝

Կ. ԽԱՉԱՏԵՐՅԱՆ

ԵՊՀ ՏԿՑ ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ՝

Հ. ՄԱՐԳԱՐՅԱՆ